



Broj: 01-45-1622/25  
Datum: 14.3.2025. godine

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, Strategijom zapošljavanja u Federaciji BiH 2023-2030 („Službene novine Federacije BiH“, broj: 94/23), ciljevima iz Programa rada Federalnog zavoda za zapošljavanje za 2025. godinu, Trogodišnjeg plana rada Federalnog zavoda za zapošljavanje 2025-2027 i Odluke o usvajanju Programa sufinansiranja samozapošljavanja - Start up 2025, broj: 01/1-45-302/25 od 12.2.2025. godine, Federalni zavod za zapošljavanje, o b j a v l j u j e

**JAVNI POZIV**  
**za učešće nezaposlenih osoba u realizaciji**  
**Programa sufinansiranja samozapošljavanja - Start up 2025**

**I DATUM OTVARANJA JAVNOG POZIVA I DUŽINA TRAJANJA**

Poziv je otvoren od 26.3.2025. do 28.3.2025. godine u periodu od 8:00 do 16:00 sati.

**II PRAVO UČEŠĆA**

Pravo učešća u Programu sufinansiranja samozapošljavanja -Start up 2025 (u daljem tekstu: Program) imaju osobe prijavljene na evidenciju nezaposlenih u Federaciji BiH prije dana objave Javnog poziva, bez obzira na stepen obrazovanja i starosnu dob.

U Programu ne mogu učestvovati osobe koje su po Javnom pozivu iz **2022., 2023. i 2024.** godine koristile poticajna sredstva iz mjera za pokretanje samostalne djelatnosti/privrednog društva, u čijoj realizaciji su učestvovali Federalni zavod za zapošljavanje (u daljem tekstu: Zavod) i kantonalne službe za zapošljavanje (u daljem tekstu: službe/-a), kao ni osobe koje su odjavile djelatnost/društvo u periodu od šest (6) mjeseci prije objave Javnog poziva za učešće u ovom Programu.

**III PRIJAVA NA JAVNI POZIV**

Nezaposlena osoba se prijavljuje za sudjelovanje u Programu putem web portala Zavoda, koristeći svoje korisničko ime i lozinku ili odabirom linka za sudjelovanje u Programu na web portalu Zavoda: [www.fzzz.ba](http://www.fzzz.ba).

Nezaposlena osoba se opredjeljuje za odgovarajuću mjeru, nakon čega u obrazac prijave unosi tražene/potrebne podatke. Osoba može podnijeti zahtjev i za sufinansiranje zapošljavanja najviše 20 osoba, prijavljenih na evidenciju nezaposlenih u istom kantonu.

Po okončanom postupku prijave, nezaposlena osoba dobije link odabirom kojeg se pojavljuje popunjen obrazac prijave kojeg je dužna isprintati.

Prijave na Javni poziv se evidentiraju u realnom vremenu na portalu Zavoda, po datumu i vremenu podnošenja istih.

U slučaju da nema dovoljno sredstava po određenom zahtjevu iz prijave, prijava se zaprima u skladu sa visinom raspoloživih sredstava u trenutku podnošenja prijave, odnosno, prijava

će biti zaprimljena za onaj broj nezaposlenih osoba za čije sufinanciranje u trenutku podnošenja prijave ima dovoljno raspoloživih sredstava.

Nezaposlene osobe koje su se prijavile na Javni poziv, a za čiju realizaciju prijava nije bilo trenutno raspoloživih sredstava, uvrštavaju se na listu čekanja (status prijave: „na čekanju“), te će iste biti pozvane na zaključivanje ugovora u slučaju odustajanja nekih osoba, za one mjere i kantone, gdje su se sredstva učinila raspoloživim.

***Ukoliko je nezaposlena osoba, dok je bila na listi čekanja, registrirala samostalnu djelatnost/privredno društvo do aktiviranja liste čekanja, priznat će joj se pravo na zaključenje ugovora u slučaju oslobađanja sredstava.***

#### **IV IZNOS RASPOLOŽIVIH SREDSTAVA**

Za realizaciju Programa predviđena su sredstva u ukupnom iznosu od **15.000.000 KM** u skladu sa Finansijskim planom Zavoda za 2025. godinu i procjenom za 2026. i 2027. godinu.

Informacije o planiranim sredstvima po mjerama sufinanciranja, te iznosima mjesečnog sufinanciranja dostupne su u Programu.

#### **V CILJ I OPIS PROGRAMA**

Program sufinanciranja samozapošljavanja - Start up 2025 se realizira s ciljem poticanja najmanje **1.450** osoba sa evidencije nezaposlenih u Federaciji BiH na samozapošljavanje, pokretanjem i održavanjem samostalne djelatnosti/privrednog društva u trajanju od najmanje 12 mjeseci, kao i na zapošljavanje drugih osoba sa evidencije nezaposlenih u pokrenutim djelatnostima/društvima u istovjetnom periodu.

Programom su definirane četiri (4) mjere sufinanciranja, i to: Poduzetništvo za mlade 2025, Poduzetništvo za žene 2025, Poduzetništvo za sve 2025 i Poduzetništvo za demobilisane/demobilizirane branioce/branitelje 2025.

#### **VI OBRADA PRIJAVA**

Nakon što se utvrdi koje su od prijavljenih nezaposlenih osoba kvalificirane za učešće u Programu, iste će biti pozvane da u roku od 60 dana, od dana podnošenja prijave na Javni poziv, nadležnoj službi dostave potrebnu dokumentaciju za zaključivanje ugovora o sufinanciranju samozapošljavanja:

- isprintan i svojeručno potpisan *Obrazac prijave*,
- ovjerenu kopiju rješenja o registraciji djelatnosti/društva, čiji datum izdavanja je nakon datuma podnošenja prijave na Javni poziv,
- kopiju Uvjerenja o poreznoj registraciji (ID broj),
- dokaz o računu (karton deponiranih potpisa, ugovor o tekućem računu sa bankom, ili potvrda o računu),
- dokaz na osnovu kojeg se iznos sufinanciranja povećava za 10% sukladno odredbama Programa,
- dokaz o izvršenoj registraciji na portalu Zavoda u svojstvu pravnog lica/poslodavca (print screen registracije).

U slučaju zapošljavanja dodatne osobe, kvalificirani aplikant dostavlja:

- isprintan i popunjen *Obrazac o sufinanciranim osobama (Obrazac SO)*, ovjeren i potpisan od ovlaštene osobe, koji je dostupan na web portalu Zavoda,

- kopiju ugovora o radu s nezaposlenom osobom koju zapošljava ili s kojom pokreće djelatnost/društvo, prijavljene na puno radno vrijeme u skladu sa odredbama člana 26. Zakona o radu FBiH.
- dokaz na osnovu kojeg se iznos sufinanciranja povećava za 10% u skladu sa odredbama Programa.

Služba provjerava dostavljenu dokumentaciju, te ukoliko je nezaposlena osoba dostavila nepotpunu ili dokumentaciju koja nije odgovarajuća/validna, obavještava istu o eventualnoj potrebi dopune dokumentacije u ostavljenom roku, odnosno o razlozima nepotpisivanja ugovora.

Nakon što nezaposlena osoba potpiše i ovjeri sve primjerke ugovora, služba potpisuje i ovjerava iste te ih dostavlja Zavodu.

Uz primjerke ugovora, služba Zavodu dostavlja i isprintan i popunjen *Obrazac o sufinanciranim osobama (Obrazac SO)*, ovjeren i potpisan od ovlaštene osobe, koji je dostupan na portalu Zavoda, kao i dokaz o glavnom računu (potvrda o računu ili ugovor o tekućem računu sa bankom).

Ukoliko su svi uvjeti ispunjeni, Zavod potpisuje i ovjerava sve primjerke ugovora, te zadržava jedan (1) primjerak, a ostale vraća službi.

## **VII OPŠTE NAPOMENE**

Dodatne informacije o postupcima, proceduri i aktivnostima iz Programa, nezaposlene osobe dobivaju u Zavodu i službama.

Kontakt telefoni u Zavodu: 033/562-900; 033/562-953; 033/562-921; 033/562-936

Program sufinansiranja samozapošljavanja - Start up 2025 i pripadajući obrasci su sastavni dio Javnog poziva.